

## 61. Fundur.

Ár 2011 þann 3. feb. kl. 17. var haldinn fundur í stjórn BSV í Hagalínstofu í Gamla Sjúkrahúsinu á Ísafirði. Mættir voru stjórnarmenn og auk þess Guðmundur Kjartansson, Jón Sigurpálsson og Björn Baldursson sem ritar fundargerð.

Formaður setti fundinn og bauð fundarmenn velkomna.

Undirritun ársreikninga 2009. Guðmundur Kjartansson kom með endurskoðaða ársreikninga fyrir árið 2009. Framlög sveitafélaga hafa verið færð til fjárhagsáætlanatalna og er tap ársins 2009 3.320.067. Reikningur samþykkti Guðmundur fór af fundi.

Erindi frá minjasafni Egils Ólafssonar. Erindi hefur borist frá minjasafni um nánari samvinnu og jafnvel samruna BSV og Minjasafnsins. Nú þegar er samvinna milli safnanna t.d. með Maríu Júlíu og hefur það gengið vel. Ákveðið að hitta forsvarsmenn safnsins til að ræða málið frekar. Ákveðið að halda að sér höndum með framkvæmdir við Maríu Júlíu v fjárskorts.

Beiðni Ísafjarðarbæjar um að BSV stærra starfshlutfall forstöðumanns. Laun forstöðumanns hafa hingað til verið 50% færð á BSV. Ísafjarðarbær vill óska eftir að 90% af launum forstöðumanns færist á byggðasafn. Þorleifur mælti með að forstöðumaður yfirráðum í 100% stöðu og svo myndi hann senda reikning fyrir sína vinnu til bæjarins, eða viðkomandi sveitafélaga. Jón sagði að ef farið yrði út í svona breytingar gæti það kostað annað stöðugildi í alls kyns unsýslu. Jafnframt væri jákvætt að safnið fengi með þessu aukið sjálfstæði. Jón lagði áherslu á að auka samvinnu við minni söfn á svæðinu. Þorleifur tók undir það sem og aðrir fundarmenn. Varðandi beiðni Ísafjarðarbæjar þá tók forstöðumaður vel í hana og formaður leitar eftir leiðum hjá eigendum safnsins til að ráða hann í 100% stöðu.

Áætlun um að byggðasafnið verði bókhaldslega sjálfstæð stofnun. Þorleifur sagði frá reynslu Bolvíkinga með Náttúrustofu Vestfjarða og Ósvör, hvernig því er háttað þar. Ákveðið að skoða hvernig hægt er að útfæra þetta og leita m.a til Guðmundar Kjartanssonar um lausn á þeim.

Það sem er framundan hjá safninu. Forstöðumaður er á leið til Reykjavíkur v. arfs. HRB varðandi sölu á eigum og bókalager Hjálmars. Einnig er framundan fundur með þjóðminjaverði um verðandi bátasafn Íslands. Fundur verður síðan með forstöðumanni Jóminjasafni víkinni um sýningu vegna 200 ára fæðingar afmælis Jóns Sigurðssonar sem verður sameiginlegt verkefni BSV og Víkurinnar. Einnig liggur fyrir að nú þarf að vinna að því að tæma sundhallarloftið vegna fyrirhugaðrar leigu á húsnæðinu til annarra aðila. Aðhallandi er að leita að öðru geymsluhúsnæði fyrir þá muni og vinna að því að skrá þá muni sem þar eru og ráða til þess starfsafla. Samþykkt að leita leiða til að ráða fólk í skráninguna og athuga hvað það myndi kosta.

Afmæli BSV. Í sumar verður safnið 70 ára og formaður taldi rétt að gera eitthvað í tilefni þess. Liður í því gæti verið að stofna hóp með velunnurum safnsins sem gætu hugsað sér að vinna að velferð safnsins. Óskaði formaður eftir umboði til að þreifa fyrir sér með slíkt.

Önnur mál. Rætt um að halda heimasíðu safnsins lifandi, bætt umhverfi á safnasvæðinu, framlag vinnuskólans við snyrtingu svæðisins, nánari afmörkun safnasvæðisins. Leita verði leiða til að afla meiri tekna, t.d. með því að efla safnabúðina.

Fundi slitið kl 19:22

Þorleifur Eiríksson, Dagbjört Hjaltadóttir, Ragnheiður Hákonardóttir, Jón Sigurpálsson og Björn Baldursson.

## 62. Fundur

Árið 2011, miðvikudaginn 13. júlí var haldinn fundur í stjórn BSV í Hagalínstofu í Gamla Sjúkrahúsinu á Ísafirði. Mættir voru formaður Ragnheiður Hákonardóttir, Þorleifur Eiríksson, Dagbjört Hjaltadóttir, Jón Sigurpálsson og Björn Baldursson sem ritar fundargerð.

Lagt fram bréf frá stjórn Minjasafns Egils Ólafssonar á Hnjóti um hugsanlega samvinnu eða jafnvel sameiningu safnanna. Forstöðumaður hefur svarað bréfinu og falist eftir fundi.

Forstöðumaður lagði fram fjárhagsáætlun til Ísafjarðarbæjar v. 2011 og var lagt fram bréf frá bæjarstjóra um að fara sérstaklega í málefni byggðasafnsins.

Dráttarbrautin í Neðsta. Lagt fram minnisblað frá Eiríki Finni Greipssyni þar sem kemur fram að ekki sé ætlast til að safnið taki upp báta aðra en byggðasafnsins og fara þannig ekki í samkeppni við einkaaðila í bænum. Forstöðumaður svaraði bréfinu á sínum tíma þar sem hann segir að forsenda verndun slippisins sé að hann sé í notkun. Nú standa yfir viðgerðir á slippnum og verður arfur HRB nýttur til þess.

Rætt um að gjaldskrá megi ekki vera mikið lægri en gengur og gerist, halda verði rekstri slippisins vel aðskildum frá öðrum rekstri.

Svar forstöðumanns til bæjarstjóra var lagt fram og farið yfir samskipti þeirra um þetta mál. Athugað verði hvernig koma megi þessu máli í góðan farveg.

Málþing um verndum og smíði trébáta. Lagt fram bréf um verndun og smíði trébáta. Tekið undir mikilvægi þess að varðveita þennan hluta menningararfsins. Byggðasafnið hefur sent út athugasemdir við nýtt frumvarp til safnalaga, og hnykkt á mikilvægi þess að bátar njóti meiri sérstöðu en þeir hafa gert hingað til. Einnig hafa samtök Sjóminjasafna gert athugasemdir við frumvarpið. Þorleifur kom með þá tillögu að siglingadagar við djúp verði endurvaktir, líkt og var fyrir nokkrum árum, til að reyna að endurvekja áhuga fólks á bátum og siglingum

Lagt fram bréf frá Ísafjarðarbæ um endurskoðun á skipulagði safna í Ísafjarðarbæ.

Forstöðumaður sendi þjóðminjaverði þessar tillögur um endurskipulagningu, og sagði hún að ekki væri hægt að gera þessar breytingar nema í nánu samráði við safnaráð og að lokum umsögn þess.

Formaður lagði áherslu á að rekstraraðilar safnsins kann sér saman um rekstur og að safnið hefði sérstakan reikning sem greitt yrði inná til að safnið gæti staðið undir rekstrinum.

Þorleifur sagði að auka yrði samvinnu Byggðasafnsins og Ósvarar.

Ákveðið að óska eftir því við safnaráð að fá umsögn um tillögurnar auk þess að fá álit þjóðminjavarðar. Ákveðið að senda þessum aðilum tillögurnar til umsagnar. Stjórn Safnsins er ekki á móti breytingum sem slíkum enn fylgja ber lögum um söfn sem og stofnskrá byggðasafnsins. Forstöðumaður falið að svara bréfum og senda viðkomandi aðilum erindið til umsagnar.

Verið er að vinna að ársreikningum fyrir árið 2010 og verða þeir tilbúnir fljótlega. Þá þarf að endurskoða fjárhagsáætlun f. 2011.

Þorleifur lagði fram beiðni frá Ósvör um að fá lánaðan starfskraft frá BSV til skrásetningar á sögu bátsins KISA það var samþykkt.

Forstöðumaður kynnti það sem er í gangi. Gefin var út harmonikkubæklingur og safnvísir. sett var upp sýning um litla Fiskibóli Jóns Sigurðssonar í samstarfi við Sjóminjasafnið Víkina. Saltfiskveisla safnsins var haldin 2. júlí og þá var einnig haldið upp á 70 ára afmæli safnsins. Verið er að standseta Gunnar Sigurðsson sem vonandi kemst á flot næstu daga. Efnt var til rækjuhátíðar í tilefni dagsins þar sem soðin rækja og boðið var upp á hákarl.

Stjórn fól forstöðumanni að óska eftir greinargerð um framkvæmdir Sæfara í fjörunni fyrir neðan safnið. Þar hefur verið unnið að dýpkun og miklu efni mokað burt. Einnig að óska eftir greinargerð frá Ísafjarðarbæ um skipulag og lóðamörk við slippnum í Neðsta.

Stjórnin leggur áherslu á að gegnið verði í að hefja framkvæmdir við nýbyggingu safnsins í Neðsta

Fleira ekki gert, fundi slitið.

Jón Sigurpálsson, Björn Baldursson, Dagbjört Hjaltadóttir, Þorleifur Eiríksson og Ragnhildur Hákonardóttir.

### 63. fundur

Ár 2011, þann 24. október var haldinn ársfundur Byggðasafns Vestfjarða. Mættir voru Ómar Jónsson, Daníel Jakobsson, Elías Jónatansson, Guðmundur Kjartansson, Þorleifur Erlendsson, Jón Sigurpálsson og Ragnheiður Hákonardóttir, auk ritara.

Formaður stjórnar setti fundinn og greindi frá fundarefni. Formaður mun stýra fundi, ritari er Björn Baldursson.

Skýrsla stjórnar. Ragnheiður Hákonardóttir. Formaður fór yfir sögu safnsins í 70 ár og húsnæðismál þess. Talaði um uppbyggingu hús í Neðstakaupstað. Sagði að ekki mætti þrengja að uppbyggingu þar, og frekari uppbyggingu á svæðinu í heild. Ræddi hann um saltfiskverkun safnsins, Morraleikhús o.fl. Uppbyggingu Bárðarlipps, Harmónikkusafnið o.fl. Ræddi hún um launamál safnsins, að launakostnaður hefði greiddur af Ísafjarðarbæ allt frá 1984-2005 og ekki verið talinn rekstrarkostnaður þess, þá hefði orðið breyting á. Rekstrarkostnaður hafi aukist undanfarin ár sem orsakast af auknum umsvifum, hærra verðlagi, bókhaldskostnaði.

Ræddi um fyrirhugaðar breytingar á skipulagi Byggðasafnsins.

Formaður þakkaði stjórn og starfsmönnum gott samstarf í ljósi þessara breytinga, og vonar að þær veðri safninu til góðs.

Skýrsla forstöðumanns. Jón Sigurpálssonar. Hann ræddi um fyrirhugaðar breytingar g rakti um hvernig mál hefði þróast frá því að hann var ráðinn 1984.

Fyrstu ár hans í starfi fóru í að sjá um framkvæmdir við friðuðu húsin í Neðstakaupstað.

Ræddi m.a. um uppbyggingu Ósvarar og aðkomu Byggðasafnsins að því ásamt fleiri stöðum. Gat um sameiningu sveitarfélaga og áhrif þess á byggðasafnið.

Ráðningu annars starfsmanns árið 1999. Fyrsta stjórn eftir sameiningu var skipuð árið 2005.

Ómögulegt að reka safn skv. viðskiptasjónarmiðum. Rakti starfsemi ársins 2010, saltfiskverkun, sýningar, bátaveign, safnbúð o.fl. Arf Hjálmars Bárðarsonar sem nemur rúml. 20 millj. samstarfi við önnur söfn o.fl.

Reikningar lagðir fram. Guðmundur Kjartansson. Lagðir voru fram ársreikningar ársins 2010. Tap fyrir framlög sveitarfélaga voru um 15,9 millj. Eignir skv. efnahagsreikningi eru um 54 m. kr. skýrist aðallega af ónotuðum styrkjum v. eyrnamerkra verkefna og arfi HRB. Rekstrartekjur eru um 16 m.kr.

Rætt um launakostnað v. sumarfólks, töluverð hækkun hefur orðið undanfarin ár.

Rætt um aðgangseyri, því hann sé svona lágur, og að aðrir söluaðilar eru að hagnast á því.

Elías sagði nauðsynlegt að reyna að ná í auknar tekjur.

Rætt um sölu safnsins á minjagripum hvort þér séu seldir með ágóða. Ómar spurði hvort gerðar hefðu verið þjónustukannanir meðal safna.

Rætt um bílastæðamál safnsins. Daníel sagði mest aðkallandi að koma viðskiptareikningi safnsins á og að ganga þurfi í að finna leiðir til þess.

Guðmundur lagði fram uppkast að 9 mánaða uppgjöri fyrir 2011. Þar kemur fram að það gengur á fjármagn v. aukinna framkvæmda við báta safnsins á árinu.

Rætt um að ganga betur frá skiptingu sveitarfélaganna á rekstrarkostnaði safnsins.

Umræða var um Maríu Júlíu og kostnað við hana sem er farin að falla á safnið v. skorts á fjármunum til framkvæmda.

Rætt um bátauppbyggingu safnsins og að finna verði henni góðan farveg. Rætt um styrki til bátaviðgerða.

Daníel lagði til að endurskoðandi stemmdi af stöðu BSV gagnvart Ísafjarðabæ með skýringum.

Bréf frá Safnaráði. Lagt fram bréf frá Safnaráði um fyrirhugaðar skipulagsbreytingar hjá söfnum í eigu Ísafjarðarbæjar. Formaður las upp bréfið.

Einnig las formaður upp tillögur bæjarins varðandi breytingarnar.

Formaður lagði ofangreint fram ásamt samþykktar safnsins.

Forsvarsmenn sveitarfélaganna ræddu um hvernig væri best að standa að framkvæmdum á þessari breytingar. Ákveðið var að ganga frá þessu á fundum. Forsvarsmenn samþykktu tillögu

um breytingar með fyrirvara um samþykki sveitarstjórna og Safnaráðs. Daníel, Elías og Ómar þökkuðu stjórn fyrir vel unnin störf og undirstrika það hversu mikilvæg safnastarfsemi sé í okkar litla samfélagi.

Ragnheiður þakkaði fyrir sig og sagðist vonast til að þetta nýja fyrirkomulag megi reynast vel. Þakkaði hún samstarfsmönnum í stjórn og starfsmönnum. Vonaðist hún til þess að Byggðasafn Vestfjarða nyti góðs af.

Fundi slitið kl. 15:45.

Þorleifur Eiríksson, Ragnheiður Hákonardóttir og Jón Sigurpálsson.

#### 64. fundur

Árið 2011, þann 16. nóvember kl. 12 var haldinn fyrsti fundur nýrrar stjórnar Byggðasafns Vestfjarða í nýbyggingu safnsins í Neðstakaupstað. Mættir voru Daníel Jakobsson, Elías Jónatansson og Ómar Jónsson sem var rétt ókominn.

Fundartími ákveðinn að jafnaði 2. þriðjudag í hverjum mánuði. Næsti fundur samt ákveðinn 1. þriðjudag í desember nk. og þar næsti í janúar þegar forstöðumaður kemur úr fríi.

Fjárhagsáætlun fyrir árið 2012 og forsendur hennar. Rætt um hvort ekki væri ráðlegt að hækka aðgangseyri að safninu til að auka tekjur þess.

Laun fastra starfsmanna verða skv. forsendum 12.1 m.kr.

Rætt um sumarstarfsmenn og möguleika til hagræðingar í því. Um hugsanlegar ráðningar í gegnum vinnuálastofnun og ákveðið að ræða við þá um starfsmenn. Rætt um að auka minjagripaframleiðslu og tekjur af henni.

Tryggingar safnsins munu líklega fara um í tryggingar bæjarins á næsta ári til hagræðingar. Húsnæðismál safnsins rædd. Daníel ræddi við Guðm. Kjartansson hjá Endursk. Vestfj. varðandi eignarþátt nýbyggingarinnar.

Útbúa þarf húsaleigusamning v/ Turnhúss og annarra húsa sem safnið leigir.

Útbúa pappír sem greini frá umsjón safnsins á slippnum. Leigusamningar eða gjafabréf (afsal).

Rædd var skuldastaða safnsins við Ísafj.bæ og formanni talið að vinna í því verkefni.

Fundi slitið kl. 14:16.

Daníel Jakobsson, Elías Jónatansson og Ómar Jónsson.

#### 65. Fundur

Hádegisfundur í stjórn Byggðasafns Vestfjarða haldinn þann 6. desember kl 12 í geymslu Byggðasafnsins í Neðstakaupstað. Mættir voru Daníel Jakobsson, Ómar Már Jónsson, Elías Jónatansson, Jón Sigurpálsson og Björn Baldursson sem ritar fundargerð.

1. Rætt um bókhaldsmál sem Ísafjarðarbær yfirtekur um áramót og breytingar sem það hefur í för með sér
2. Bárðarslippur. Koma þarf eignarhaldi slippisins á hreint og Daníel bæjarstjóra Ísafjarðarbæjar falið að vinna að útfærslu á því.
3. 9 mánaða uppgjör safnsins skoðað. Farið yfir stöðu reikninga og eru bankainnistæður um 35 milljónir sem eru ónotuð framlög til ýmissa verkefna. Rætt um ráðstöfun arfs Hjálmar R. Bárðarsonar í slippviðgerð o.fl. Reikningur til nýbyggingar safnhúss stendur í 12.7 m.kr. og rætt um hvort ekki megi reyna að virkja það fjármagn, t.d. með samstarfi við Hornstrandastofu sem er í húsnæðisleit, og megi þannig koma upp húsinu þó að það yrði ekki fullklárað í fyrstu atrennu. Rætt um hvort ekki megi áfangaskipta byggingunni og áframleigja það húsnæði. T.d. gera samning við verktaka um að byggðasafnið legði fram visst fjármagn á móti verktaka og gerður yrði langtímasamningur þeirra á milli.

4. Fjárhagsáætlun. Ómar spurði hvort mætti eiga von á hækkuðum tekjum og sagði forstöðumaður að væntanlega mætti eiga von á því að þær hækkuðu eitthvað á næsta ári, t.d. með hækkuðum aðgangseyri sem nú er 550 kr. Rætt um hvort ekki mætti hækka hann í allt að 800 kr. Lækka þarf laun sumarfólks með einhverjum hætti, t.d. með athugun á framlagi frá Vinnumálastofnun.
5. Stjórnarmönnum falið að ganga til samninga við Vesturferðir um hækkun á gjaldskrá vegna hækkunar á aðgangseyri.

Fundi slitið kl 13.20

Daníel Jakobsson  
Elías Jónatansson  
Ómar Már Jónsson  
Jón Sigurpálsson  
Björn Baldursson

## 66. Fundur

Morgunfundur í stjórn Byggðasafns Vestfjarða haldinn þann 17.janúar 2012 kl.10 í geymslu Byggðasafnsins í Neðstakaupstað. Mættir voru Daníel Jakobsson, Elías Jónatansson, Jón Sigurpálsson og Björn Baldursson sem ritar fundargerð. Ómar Jónsson var fjarverandi v. óviðráðanlegra orsaka.

1. Framlög sveitarfélaga 2012. Daníel sagðist vera ósáttur við útreikning á framlagi Ísafjarðarbæjar til BSV 2011. Ekki hefði verið eðlilega staðið að útreikning þeirra hjá endurskoðanda. Eðlilegast væri að senda reikninga fyrir framlögum til rekstraraðila t.d. 4 sinnum á ári.  
Varðandi kaup Ísafjarðarbæjar á nýbyggingu væri best að bærinn keypti húsið á stofnverði, og byggðasafnið borgaði leigu.  
Ísafjarðarbær hefur verið í viðræðum við Umhverfisstofnun um leigu Hornstrandastofu á því húsnæði sem er reyndar enn óbyggt, en einhverjir peningar eru til og ef fást peningar annarstaðar frá væri hægt að koma húsinu upp og leigja húsnæðið til þeirra.  
Bílastæði þarf að ganga frá og spurning hvort væri hægt að áfangaskipta því, og athuga hvort ætti að helluleggja það eða malbika. Gæta þarf vel að því að frágangur þess falli vel að umhverfinu.  
Athuga þarf með lóðarsamninga, húsaleigusamninga og áhrifasvæði safnsins yfirleitt. HG á aðliggjandi lóð sem myndi henta vel undir bílastæði. Daníel falið að ræða við forsvarsmenn HG um hugsanleg makaskipti eða samninga.
2. Starfsmannamál. Vegna sparnaðar hjá Ísafjarðarbæ var rætt um að Björn Baldursson myndi fara niður í 50% stöðu hjá BSV og 50% stöðu hjá Ljósmyndasafni Ísafjarðar. Finna verður heppilega útfærslu á því.
3. Minjagripasala. Hugmynd kom fram um að hanna gjafavöru með byggðamerki sveitarfélaganna sem að því standa. Eins þarf að athuga með framleiðslu á söluvarningi til að selja í safnbúð Byggðasafnsins.
4. Samningur um færslu á bókhaldi til Ísafjarðarbæjar lagður fram.
5. Kynningarmál. Forstöðumaður gerði grein fyrir kynningarefni safnsins og hvar það er með helstu auglýsingar.

Starfsmannamál. Reiknað með að ráða 2 sumarstarfsmenn og jafnvel 1 til viðbótar frá Vinnumálastofnun.

Sumarsýningar safnsins. Greint frá að setja ætti upp sýninguna Upphaf togaraútgerðar og nikkan, heflasýningu í Tjöruhúsinu.

Bátaútgerð. Gunnar Sigurðsson verður gerður út af aðilum sem sýndu því áhuga. Óvíst er hvernig gengur að koma Sædís í horf fyrir sumarið. Að öllum líkindum næst að ljúka við viðgerð á Jóhönnu í sumar. María Júlía er í óvissu vegna fjárskorts. Reynt var að fá leyfi hjá sjávarútvegsráðuneyti til að fá að veiða fisk á reitinn, það er í ferli en þungt fyrir fæti.

Samráðsfundur Norrænna sjóminjasafna verður haldinn á Ísafirði í ágúst.

Forstöðumaður gerði grein fyrir bréfi frá Reyni Adolfsyni varðandi

Norðurslóðasýningu sem stendur til að setja upp á Akureyri. Athuga þarf hvort forsendur séu fyrir samstarfi.

Fundi slitið kl 11.15

Daníel Jakobsson

Elías Jónatansson

Jón Sigurpálsson

Björn Baldursson ritar fundargerð

## 67. fundur

Morgunfundur í stjórn Byggðasafns Vestfjarða haldinn þann 7.febrúar 2012 kl.11 í geymslu Byggðasafnsins í Neðstakaupstað. Mættir voru Daníel Jakobsson, Elías Jónatansson, Ómar Jónsson, Jón Sigurpálsson og Björn Baldursson sem ritar fundargerð.

### 1. Undirskrift samþykka Byggðasafns Vestfjarða.

Stjórnarmenn BSV undirrituðu breyttar samþykktir Byggðasafns Vestfjarða frá síðasta ári.

### 2. Bréf Eiríks Þorlákssonar, menntamálaráðuneyti, varðar Hrafnseyri.

Afgreiðsla bréfs frá Eiríki Þorlákssyni menntamálaráðuneyti varðandi Hrafnseyri og yfirtöku Byggðasafns Vestfjarða á rekstri Safns Jóns Sigurðssonar.

Stjórn Byggðasafns Vestfjarða er reiðubúin að skoða málið frekar gegn því að fjárhagslegar forsendur verði tryggðar til að tryggja metnaðarfullan rekstur. Telur stjórnin að 5 ára samningur sé lágmark til að byrja með og að greiðslur fyrir það tímabil verði fastar og lúti ekki endurskoðun fjárlaga eigi safnið að taka að sér reksturinn. Stjórn BSV óskar eftir nánari rekstraráætlun áður en frekari ákvarðanir eru teknar. Forstöðumaður telur að Byggðasafnið myndi styrkjast við þessa sameiningu.

### 3. Lækkun starfshlutfalls Björns Baldurssonar við Byggðasafnið og yfirfærsla starfs til Ljósmyndasafn Ísafjarðar.

Björn Baldursson mun verða í 50% starfi hjá Byggðasafninu. Forstöðumaður telur mikilvægt að það sé á hreinu hvernig vinnuskýlda hans við safnið verði. Forstöðumanni falið að útfæra það með Birni hvernig best sé að haga því. Hann harmaði það jafnframt að skorið væri niður í starfsmannahaldi Byggðasafnsins.

**4. Kaup Ísafjarðarbæjar á geymsluhúsnæði safnsins í Neðstakaupstað. - Útleiga.**

Rætt um kaup Ísafjarðarbæjar á geymsluhúsnæði eins staðið hefur til um nokkurt skeið. Hugmyndin er að Ísafjarðarbær kaupi húsið og að Byggðasafnið leigi það af Ísafjarðarbæ. Samþykkt að vinna málið áfram í takt við umræður á fundinum.

**5. Greiðsla til Ísafjarðarbæjar fyrir bókhald og endurskoðun.**

Ísafjarðarbær mun taka yfir bókhald, greiðslu launa og endurskoðun safnsins. Hugmyndir Ísafjarðarbæjar voru þær að safnið greiddi 1,2 m.kr. á ári. Ákveðið að bjóða Ísafjarðarbæ 850.000 kr. fyrir umrædda vinnu. Forstöðumanni falið að ganga frá samning við Ísafjarðarbæ og uppfæra fjárhagsáætlun í samræmi við það.

**6. Erindi varðandi Hornstrandastofu.**

Ræddar hugmyndir um fyrirhugaða nýbyggingu og hefur komið fyrirspurn frá Umhverfisstofnun og umhverfiráðuneytið, um að taka húsnæðið á leigu fyrir Hornstrandastofu. Daníel falið að ræða frekar við þá um það.

**7. Rætt um framleiðslu á gjafavöru fyrir Byggðasafnið.**

Forstöðumaður greindi frá því að námskeið hefði verið haldið í hugmyndavinnu í Edinborg og hópurinn hefði verið fenginn niður á safn til innblásturs. Nokkrar hugmyndir komu fram um gjafavöru sem tengdist safninu og verða þær skoðaðar frekar. Allir voru sammála um að safnið þurfi að eigna sér saltfiskinn enn frekar og miða gjafavöruframleiðslu við það ásamt fleiru.

**8. Saltfiskveisla 2012.**

Forstöðumaður greindi frá þeirri hugmynd að til stæði að halda saltfiskveislu ársins í Turnhúsinu. Þar sé hægt að koma fyrir 100-120 manns og miða verði sýningu á jarðhæð safnsins við það. Lítið mál sé að koma því fyrir.

**9. Fundarboð.**

Fundarboð vegna þings Norrænna sjóminjasafna á Ísafirði í ágúst 2012, lagt fram til skoðunar.

Fleira ekki gert og fundi slitið kl 12:15.

Daníel Jakobsson, bæjarstjóri.

Elías Jónatansson, bæjarstjóri.

Ómar Már Jónsson, sveitarstjóri.

Jón Sigurpálsson, forstöðumaður.

Björn Baldursson, starfsmaður. Ritar fundargerð.

## 68. fundur

Morgunfundur í stjórn Byggðasafns Vestfjarða haldinn þann 13. mars 2012 kl. 10 í geymslu safnsins í Neðstakaupstað. Mættir voru Daníel Jakobsson, Elías Jónatansson, Ómar Jónsson og Jón Sigurpálsson sem ritar fundargerð.

1. Tekið var fyrir bréf frá Eiríki Þorlássyni deildarstjóra í menntamálaráðuneytinu dagsett 2. mars 2012 varðandi málefni Hrafnseyrar við Arnarfjörð. Stjórn safnsins ákvað að boða fyrrum nefndarmenn Hrafnseyrarnefndar til fundar til að fá gleggri mynd af starfseminni. Í framhaldi af þeim fundi mun formaður stjórnar safnsins ásamt forstöðumanni setja saman drög að samningi og rekstraáætlun.
2. Stjórn safnsins mun leita leiða að Ísafjaðrabær taki yfir húseign safnsins í Neðstakaupstað.
3. Forstöðumanni og formanni falið að setja saman bréf til menntamálaráðuneytisins varðandi frekari aðkomu ríkisvaldsins að uppbyggingu safnsins í Neðstakaupstað.

Fleira ekki gert og fundi slitið kl 12:00

Daníel Jakobsson, bæjarstjóri.

Elías Jónatansson, bæjarstjóri.

Ómar Már Jónsson, sveitarstjóri.

Jón Sigurpálsson, forstöðumaður.

## 69. fundur.

Þann 24 apríl 2012, kl 10 var haldinn fundur í stjórn Byggðasafns Vestfjarða í geymsluhúsnæði Byggðasafnsins í Neðstakaupstað. Mættir voru Daníel Jakobsson, Elías Jónatansson, Ómar Jónsson, Eiríkur Finnur Greipsson og Guðfinna Hreiðarsdóttir f.h.fyrrverandi Hrafnseyrarnefndar, Jón Sigurpálsson og Björn Baldursson sem ritar fundargerð. Eiríkur Þorláksson mætti á fundinn kl 10.30., Sigríður Kristjánsdóttir mætti kl. 11.20.

### Málefni Hrafnseyrar

Eiríkur Finnur sagði að nefndin hefði boðið ráðuneytinu að fara í greiningarvinnu á því hvað ætti að gera á Hrafnseyri, en það var ekki þegið. Það eina sem kom út úr stefnumótuninni sem var gerð var það að Hrafnseyrarnefnd var lögð niður. Burstabærinn á Hrafnseyri er því sem næst ónýtur, og nefndin hefur verið í fjársveldi undanfarin ár.

Guðfinna sagði að nefndin hefði lagt til að ríkið héldi áfram að reka Hrafnseyri. Hún sagðist ekki hlynnt því að Byggðasafnið yfirtæki safnið, Hrafnseyri hefði forstöðumann.

Eiríkur sagði að vilji ráðuneytisins væri greinilega að losa sig undan þessu, en sagði jafnframt að hægt væri að gera samkomulag við ríkið um að taka reksturinn yfir, en þá yrðu að koma til meiri fjárframlög. Eiríkur sagði að í ávarpi forsætisráðherra hefðu verið gefin fögur fyrirheit um framtíð Hrafnseyrar og mikil kúvending hefði greinilega orðið þar á síðan.

Guðfinna sagði að ef reksturinn ætti að færast frá ráðuneytinu þá myndist henni að hann ætti að færast til sveitarfélagsins ekki til Byggðasafnsins, hún sér ekki fyrir sér að það styrki staðinn, né safnið.

Daníel varpaði fram spurningunni hver væri ávinningurinn af því að taka að sér safnið. Elías sagði okkur rynni blóðið til skyldunnar frekar en von um fjárhagslegan ávinning, hér væri fagleg þekking til staðar, og í raun fælust í þessu tækifæri.

Jón sagði að líftími sýningarinnar á Hrafnseyri væri 2-3 ár í viðbót að sínu mati, fannst að til greina kæmi að hafa sýningu um Jón Sigurðsson á Þingeyri í framtíðinni, og á Hrafnseyri yrði sumarskóli og rannsóknasetur. Ef Byggðasafnið tæki Hrafnseyri yfir þyrfti að breyta strúktúr safnanna beggja.

Daníel spurði hvort Byggðasafnið og Hrafnseyri yrði ein eining, og hvort Byggðasafnið og Hrafnseyri myndi deila starfskröftum sínum. Jón sagði að í þessu lægju spennandi tækifæri. Ómar sagði að skv. stefnumótun Hrafnseyrarnefndar yrðu aukin sóknarfæri eftir að Dýrafjarðargöng yrðu komin.

Eiríkur Þorláksson frá menntamálaráðuneyti mætti hér á fund. Eiríkur Finnur sagði að það skyti skökku við að á meðan Jónshús væri sett undir Alþingi, æðstu stofnun landsins, þá væri safnið á Hrafnseyri sent út í „ystu myrkur“ þvert á loforð forsætisráðherra. Lýsti hann þó yfir vilja til að reyna að finna samstarfsflöt á málinu við ráðuneytið. Eiríkur Þ. Sagði að stefnan væri að reyna að þetta menningarmálapakkann hjá ráðuneytinu. Hlutfall fjárlaga í menningarmál hefur lækkað töluvert frá aldamótum. Yfirlýst stefna ríkistjórnarinnar hefur verið að fækka stofnunum og færa verkefni milli stofnana. Hann sagði að aldrei hefði staðið til að gera Hrafnseyri að sér stofnun. Eiríkur Finnur mótmælti því og las upp úr ræðu forsætisráðherra frá 17 júní sl. þar sem skilja mátti að Hrafnseyri yrði sér stofnun innan forsætisráðuneytisins. Eiríkur sagði þetta byggt á misskilningi. Eiríkur Finnur sagði að ríkisstjórnin væri að svíkja gefin loforð. Sveitarfélagið væri þó tilbúið að koma að þessu en þá þyrftu fjárframlög að hækka verulega. Nú er áætlað á fjárlögum til rekstrar Hrafnseyrar 2012, 14,5 milljónir sem er ekki nægjanlegt að hans mati til að reka staðinn. Eiríkur Þ. var sammála því að fjárveiting hefði verið naum. Gerð var áætlun um að rekstur 2012 yrði rúmlega 14 milljónir og það er það framlag sem miðað er við að fylgi. Eiríkur Finnur Sagði að ráðuneytið hefði dregið lappirnar í því að finna staðnum framtíðarhlutverk og það stæði staðnum fyrir þrifum.

Eiríkur Þ. sagði að þessar 14,5 millj. sem gert er ráð fyrir með staðnum séu ætlaðir í rekstur en ekki í viðhald á fasteignum á staðnum. Það yrði fjármagnað með sérstökum framlögum á fjárlögum. Elías spurði hvers vegna safnið ætti að taka við safni þar sem lægi fyrir að húsnæðið er ekki í lagi, þ.e. burstabærinn. Ómar spurði hver sæi um eignir á Hrafnseyri. Eiríkur sagði að það væri Mennta og Menningarmálaráðuneyti. Daníel lagði til að rennt yrði í gegn um rekstraráætlunina, spurði hvenær hún hefði verið gerð. Hún er unnin á vegum Hrafnseyrarnefndar í desember 2010. Daníel sagði að í það minnsta þyrfti að gera samning til 3 ára. Elías sagði að ef sýningin á HRE væri með 3 ára líftíma í viðbót vantaði fjármuni til að setja upp nýja sýningu að þeim tíma

liðnum. Eiríkur Þ. sagði að nú væri kominn sá tími að þyrfti að segja af eða á, sumarið nálgast og tíminn til ákvarðanatöku væri skammur. Jón sagði að nauðsynlegt væri að setja inn í samninginn að t.d. eftir ár yrði unnin ný stefnumótun með stefnumótun Hrafnseyranefndar til hliðsjónar og starfsemi Hrafnseyrar sett í fastar skorður, þá væri orðið nokkuð ljóst með kostnaðarliði o.fl.

Hér vék Eiríkur Þ. af fundi.

Daníel mælti með að staðarhaldari á Hrafnseyri færi yfir rekstraráætlunina og meti hvort hún sé raunhæf. Umræður voru um hvernig starfskraftar staðarhaldara nýttust best báðum aðilum þ.e. Byggðasafni Vestfjarða og Hrafnseyri. Rætt var um starfsemi á staðnum og hvernig bæri að móta hana. Daníel velti fyrir sér næstu skrefum í málinu, hver væri ávinningurinn og gera áætlun. Finna yrði flöt þar sem samlegðaráhrifin verða mest. Jón sagði mikilvægt að vinna náið með Valdimari og Guðmundi Hálfðánarsyni prófessor og nýta þeirra krafta sem best. Forstöðumanni Byggðasafnsins var falið að tilkynna Eiríki að ákveðið væri að ganga til samninga um rekstur Hrafnseyrar, og ræða nánar fjárhagslegar forsendur málsins. Einnig að ræða við staðarhaldara Valdimar Halldórsson um hver sýn hans er á þetta mál.

## Önnur mál

Sigríður viðraði mál frá síðasta fundi fagráðsins. Í erindisbréfi hennar stendur að hún geti kallað til forstöðumenn annarra safna á svæðinu til samráðs, og hvort það eigi ekki við um s.s. Náttúrustofu, Ósvör, Refasetur, það sé eðlilegt að öll söfn og setur á svæðinu starfi saman. Elías sagði að það væri mjög jákvætt ef hægt væri að stofna til samráðs á milli allra safna á svæðinu og það þyrfti að koma því á. Lagði Sigríður til að þetta yrði kallað samstarfsvettvangur safna, í stað fagráðs. Elías sagði að hann myndi vinna að þessu í Bolungarvík, og Ómar hyggst gera það sama í Súðavík.

Fleira ekki gert og fundi slitið kl 12.30

Daníel Jakobsson, bæjarstjóri.

Elías Jónatansson, bæjarstjóri.

Ómar Már Jónsson, sveitarstjóri

Jón Sigurpálsson, forstöðumaður.

Björn Baldursson, starfsmaður.

## 70. fundur

Þann 12 júní 2012, kl 11 var haldinn fundur í stjórn Byggðasafns Vestfjarða í geymsluhúsnæði Byggðasafnsins í Neðstakaupstað. Mættir voru Daníel Jakobsson, Elías Jónatansson, Jón Sigurpálsson og Björn Baldursson sem ritar fundargerð.

### 1. Gjöf til safnsins, trillan Eljan frá Nesi.

Jón Sigurpálsson greindi frá því að hjónin Guðjón Brjánsson og Dýrfinna Torfadóttir hafa ákveðið að gefa safninu bátinn Eljuna frá Nesi sem er tæplega 2ja tonna trilla, smíðuð af bræðrunum frá Nesi í Grunnavík. Báturinn er í góðu

standi, sjófær og nýyfirfarinn, og mjög sérstakt eintak af bát sem safnið getur ekki hafnað. Stjórnin var sammála um það að taka við bátnum.

## **2. Erindi Menntamálaráðuneytis um Hrafnseyri.**

Forstöðumaður greindi frá því að hann hefði vaxandi efasemdir um að Byggðasafn Vestfjarða taki við rekstri og umsjón safnsins á Hrafnseyri. Daníel var sammála því. Forstöðumaður sagðist ekki sjá beinan ávinning af sameiningunni. Lagði hann til að þessari beiðni ráðuneytisins um yfirtöku Byggðasafnsins yrði hafnað og sem málamiðlun yrði lagt til að farið yrði í viðræður um framtíð Hrafnseyrar út frá forsendum beggja aðila. Ljóst væri að kostnaður við rekstur á staðnum væri mikill. Elías lagði til að ríkið myndi reka staðinn í 3 ár í viðbót og þá sæist hve mikill rekstrarkostnaður væri í raun. Mjög áhættusamt væri að yfirtaka svona rekstur án þess að hafa eitthvað fast í hendi. Daníel sagði að gera ætti kröfu um að fá að minnsta kosti 18 milljónir með með rekstrinum þá væri umræðugrundvöllur fyrir hendi. Forstöðumaður sagði 18 milljónir vera algert lágmark. Daníel sagði að ekki væri óeðlilegt að þetta myndi falla undir rekstur safnahússins frekar en Byggðasafnsins. Elías sagði að skorið hefði verið niður hjá Byggðasafninu í starfsmannahaldi þannig að í raun væri óeðlilegt að vera að bæta á Byggðasafnið, sem í raun væri undirmannað. Ákveðið að svara erindinu þannig að stjórnin er tilbúin til frekari viðræðna um sameiningu þegar rekstrarniðurstaða meirihluta árs 2012 liggur fyrir. Einnig vill stjórnin vera viss um að reksturinn skili einhverjum ávinningi til safnsins, og að sameiningin verði á forsendum beggja aðila.

Fundi slitið kl 11.40

Daníel Jakobsson, bæjarstjóri Ísafjarðarbæjar  
Elías Jónatansson, bæjarstjóri Bolungarvíkurkaupstað  
Jón Sigurpálsson, forstöðumaður.  
Björn Baldursson, starfsmaður.

## **71. fundur**

Þann 11. september 2012, kl 10 var haldinn fundur í stjórn Byggðasafns Vestfjarða í geymsluhúsnæði Byggðasafnsins í Neðstakaupstað. Mættir voru Daníel Jakobsson, Elías Jónatansson, Ómar Jónsson, Jón Sigurpálsson og Björn Baldursson sem ritar fundargerð.

## **3. Skýrsla forstöðumanns um sumarstarfið.**

Forstöðumaður greindi stuttlega frá starfi safnsins s.l. sumar. Sagði að gagnrýni hefði komið fram á nýju sýninguna, fyrir smáan texta og slæmt prent en það verður lagfært á kostnað prentsmiðju. Aukning er á fjölda gesta og er það að mestu vegna fleiri skemmtiferðaskipa. Talsvert er af gestum sem kemst inn án þess að borga og þarf að ráða bót á því. Gunnar Sigurðsson var gerður út á vegum Borea Adventures í samstarfi við safnið, og var nokkuð um að fólk brygði sér á sjó. Talið er að um 11-12000 manns hafi komið á safnið í sumar.

Norrænt þing sjóminjasafna var haldið á Ísafirði í lok ágúst og gekk það vel. Rætt var um verð til Vesturferða næsta sumar, það þarf að hækka. Rætt um að það þyrfti að vera svipað og í Ósvör og forstöðumanni falið að ræða við Vesturferðir um það. Sala á gjafavöru var svipuð og í fyrra, og rætt um að það þurfi að auka framboð á varningi ýmiskonar. Rætt um sumarstarfsfólk, athuga ráðningu í gegnum Vinnumálastofnun. Rætt um að fyrir næstu vertíð þyrfti að hafa safnapassa sem gilda mundi á Byggðasafnið, Ósvör og Melrakkasetrið.

**4. Málefni starfsmanna.**

Forstöðumaður greindi frá því að ef hinn starfsmaður Byggðasafnsins yrði tekinn aftur tímabundið af Byggðasafninu líkt og var s.l. vetur, myndi hann íhuga sína stöðu vandlega, og vill að stjórnin taki afstöðu til þess. Starf safnsins sé orðið það umfangsmikið að það sé fyllilega tveggja manna starf allt árið að sinna nauðsynlegum verkefnum, bátæign safnsins hafi aukist og allt starf safnsins sé að verða umfangsmeira. Að óbreyttu hefur safnvörður starf á Ljósmyndasafni Ísafjarðar 1 nóvember n.k. Daníel sagði að í næstu fjárhagsáætlun skyldi gera ráð fyrir 2 starfsmönnum.

**5. Fjárhagsáætlun.**

Skila þarf inn til fjármálastjóra launayfirliti starfsmanna fyrir sumarið.

**6. Erindi Menntamálaráðherra v. Hrafnseyrar.**

Daníel lagði til að stjórnin myndi hitta menntamálaráðherra og ræða frekara samstarf um Hrafnseyri o.fl. Breyta þarf rekstrarformi staðarins og koma því í betri farveg. Forstöðumaður sagði að gera þyrfti framtíðaráætlun um rekstur staðarins og hvort væri hægt að tengja hann betur t.d. Vélsmiðjunni á Þingeyri og e.t.v. bátasafni sem hugsanlega væri sett á legg.

**7. Erindi sjálfseignarstofnunar um Vélsmiðju Guðmundar J. Sigurðssonar á Þingeyri.**

Safninu barst bréf frá sjálfseignarstofnunar um Vélsmiðju Guðmundar J. Sigurðssonar á Þingeyri um að Byggðasafn Vestfjarða tæki við vélsmiðjunni. Ýmsar kvaðir fylgja, þ.á.m. uppgjör 2,8 m. skuldar við eignarhaldsfélagið. Daníel sagði að ekki kæmi til greina að yfirtaka vélsmiðjuna með þeirri kvöð. Ýmsar aðrar kvaðir fylgja og var það rætt. Miklir möguleikar eru í kringum vélsmiðjuna varðandi ferðamenn og töldu stjórnarmenn hana mjög áhugaverða að öllu leyti. Einnig hefur smiðjan verið í allskyns viðgerðum og smíðum í sérhæfðum verkefnum. Forstöðumanni falið að svara bréfinu.

**8. Önnur mál.**

**a. Málefni Bárðarslipps**

Einn bátur hefur sótt um slípptöku í Bárðarslipps, þ.e. Sæbjörn í Bolungarvík, útg.m Ketill Elíasson. Þar sem safnið hefur ekki lengur heimild til slípptöku þarf stjórn að taka afstöðu til þess. Daníel lagði til að Skipanaust tæki að sér slípptökur í gamla slíppnum og sjái um slípptökur

þar, en engar kvaðir yrðu um að Skipanaust vinni allt sem vinna þarf í bátunum. Sú vinna geti unnist af hverjum sem er. Daníel falið að ræða við Aðalstein Ómar Aðalsteinsson frkvstj. Skipanausts um málið, og forstöðumaður hefur í framhaldi samband við Ketil.

**b. Vetrargeymsla báta.**

Safnið þarf að koma bátum í vetrargeymslu. Nokkrir hafa farið inn í flugskýli, en nú hafa tveir bátar bæst við. Rætt um að reyna að fá pláss í Kubbshúsinu á Grænagarði sem er í eigu Byggðastofnunar

**c. Hafnaraðstaða safnbáta í framtíðinni.**

Bátar safnsins eru orðnir það margir að þeir eru farnir að þurfa töluvert bryggjupláss og til að gera bátana sýnilega þurfa þeir að fá eigið bryggjupláss þar sem þeir eru aðgengilegir til að sýna þá safngestum. Rætt um að fá fund með hafnarstjóra varðandi hugsanlegar lausnir.

**d. Málefni Maríu Júlíu.**

Forstöðumaður greindi frá að hann hefði hitt að máli Örn Stefánsson sem rekur fyrirtækið Sjósiglingu ehf. Hann hafði lagt til að reynt yrði að fá styrk hjá Evrópusambandinu (IPA) til þess að gera upp Maríu Júlíu í samstarfi við aðra aðila. Ómar sagði að það væri sérhæfð og kostnaðarsöm vinna að sækja um styrki til Evrópusambandsins og verkefni þurfi að uppfylla ákveðin skilyrði sem hann dragi í efa um að fyrirtæki sem geri út á náttúrulífsskoðunarferðir uppfylli. Stjórnin sagði mikilvægt að skipið kæmist í rekstur, og reyna yrði allt til að afla fjár til viðgerðar. Setja þarf upp áætlun um uppgerð skipsins, og jafnframt að finna rekstraraðila til að reka skipið, en tryggja jafnframt varðveislu skipsins. Forstöðumanni falið að athuga málið.

**e. Aðalfundur Byggðasafnsins.**

Stefnt að því að halda aðalfund safnsins um miðjan október og forstöðumanni falið að ganga frá því að ársreikningur safnsins verði tilbúinn á næsta fundi stjórnar.

**f. Bátasafn Íslands**

Forstöðumanni falið að útbúa minnisblað sem lagt yrði fyrir ráðherra varðandi það að Þjóðminjasafn Íslands flytti bátasafn sitt til Ísafjarðar og stofnað yrði Bátasafn Íslands.

**g. Samstarf UST og Byggðasafnsins um samnýtingu nýbyggingar.**

Forstöðumanni falið að ræða við Jón Björnsson starfsmann UST á Ísafirði og kanna vilja fyrir áframhaldandi samstarfi og næstu skref í málum nýbyggingarinnar

Fleira ekki gert og fundi slitið kl 12:15

Daníel Jakobsson, bæjarstjóri Ísafjarðarbæjar  
Elías Jónatansson, bæjarstjóri Bolungarvíkurkaupstað  
Ómar Jónsson sveitarstjóri Súðavíkurhreppi  
Jón Sigurpálsson, forstöðumaður.  
Björn Baldursson, starfsmaður.

**72. fundur**

Þann 16. október 2012, kl 10 var haldinn fundur í stjórn Byggðasafns Vestfjarða í geymsluhúsnæði Byggðasafnsins í Neðstakaupstað. Mættir voru Daníel Jakobsson, Elías Jónatansson, Ómar Jónsson, Jón Sigurpálsson sem ritar fundargerð.

**1. Málefni starfsmanna.**

- A. Lagt fyrir minnisblað forstöðumanns og formanns fagráðs safna dagssett 24. september 2012.
- B. Vinnuskýrsla starfsmanna Byggðasafns Vestfjarða lögð fyrir og kynnt. Í skýrslunni er dregin upp mynd af starfsemi safnsins á ársgrunvelli.
- C. Kassauppgjör sumarsins kynnt og yfirfarið.

**2. Stefnumótun til framtíðar.**

Stefnt er að fundi með *Fagráði safna*. Framtíðarsýn safna og sýninga á Norðanverðum Vestfjörðum verði til skoðunar og unnið að stefnumótun þeirra til næstu ára.

**3. Samþætting í starfsemi Byggðasafns Vestfjarða og Ósvarar.**

Forstöðumanni og Elíasi Jónatanssoni falið að ræða frekari samþættingu í starfsemi safnanna.

**4. Erindi Magnúsar Ólafs Hanssonar**

ritað í tölvupósti 9.11. 2012 fyrir Minjasafns Egils Ólafssonar Hnjóti í Örlygshöfn. Stjórn safnsins leggur til í samráði við stjórn Minjasafns Egils Ólafssonar, sameigandi sinn á skipinu Maríu Júlíu að fela forstöðumanni Byggðasafns Vestfjarða að kanna almennan sölumarkað fyrir skipið þá með fyrirspurnum eða auglýsingu.

**5. Málefni HrafNSEYRAR.**

Formaður stjórnar tekur saman hugmyndir stjórnar um málaleitan Menntamálaráðuneytisins og gengur frá svari til ráðuneytisins.

**6. Fundir forstöðumanns.**

Forstöðumaður gerði grein fyrir fundum sem hann átti annars vegar við Þjóðminjavörð Margréti Hallgrímsdóttur og hins vegar með Menntamálaráðherra Katrínu Jakobsdóttur. Aðal umræðuefni fundanna var hugur Byggðasafns Vestfjarða að taka að sér verkefni báta sem eru í eigu Þjóðminjasafnsins. Niðurstaða fundanna var að forstöðumanni var falið að vinna að framkvæmda- og kostnaðaráætlun fyrir verkefnið í samráði við hlutaðeigandi.

Fleira ekki gert og fundi slitið kl. 12.10

Daníel Jakobsson, bæjarstjóri Ísafjarðarbæjar,  
Elías Jónatansson, bæjarstjóri Bolungarvíkurkaupstaðar,  
Ómar Jónsson sveitarstjóri Súðavíkurhrepps.  
Jón Sigurpálsson, forstöðumaður Byggðasafns Vestfjarða.

**73. fundur.**

Þann 13. nóvember 2012, kl 10.30 var fundur í stjórn Byggðasafns Vestfjarða. Fundað var í Melrakkasetrinu í Súðavík. Mættir voru Daníel Jakobsson, Elías Jónatansson, Ómar Jónsson, Jón Sigurpálsson sem ritar fundargerð.

**7. Ársreikningur 2011.**

- A. Stjórn safnsins fór yfir og samþykkti og undirritaði reikninginn eins og hann kemur fyrir. Forstöðumanni falið að ljósrita eintök og senda hlutaðeigandi.
- B. Forstöðumanni falið að undirbúa aðalfund Byggðasafns Vestfjarða þriðjudaginn 11. desember 2012, kl. 12 – 13 í sal bæjarstjórnar Ísafjarðarbæjar.

**8. Fjárhagsáætlun 2013.**

Farið yfir drög að fjárhagsáætlun Byggðasafns Vestfjarða fyrir árið 2013. Beðið er eftir niðurstöðutölum ársins 2012 til að hafa til hliðsjónar við endanlega áætlun, sem lögð verður fram á ársfundi safnsins 11. desember 2012.

**9. Stutt skýrsla forstöðumanns.**

- A. Forstöðumaður rifjaði upp heimsókn sína til Þjóðminjavarðar og menntamálaráðherra. Í framhaldi af því var gerð stutt grein fyrir skýrslugerð sem hann vinnur að í sambandi við að fósra bátminjasafn Þjóðminjasafnsins í framtíðinni.

- B. Forstöðumanni falið að rita í samráði við þjóðminjavörð bréf til fjárveitingavaldsins um þarfa- og kostnaðargreiningu varðandi verkefnið.

**10. Málefni Hrafnseryrar.**

Forstöðumanni falið að skrifa bréf til Eiríks Þorlákssonar hjá menntamálaráðuneytinu með hugmyndum stjórnar um framhald viðræðna um Hrafnseryri.

**11. Erindi Hilmars Malmquist.**

Forstöðumanni falið að hafa samband og ganga til samninga við bréfitara.

**12. Önnur mál.**

- A. Farið var yfir verkefnið slíppsins. Formanni falið að ganga frá samningi við núverandi rekstraraðila slíppsins.
- B. Forstöðumaður gerði grein fyrir samtali sem hann átti við Guðmund Matthíasson um Vélsmiðjuna á Þingeyri. Guðmundur er væntanlegur til Ísafjarðar í nóvembermánuði og er stefnt að fundi með honum við fyrsta tækifæri.

Fleira ekki gert og fundi slitið kl. 12.30

Daníel Jakobsson, bæjarstjóri Ísafjarðarbæjar,  
Elías Jónatansson, bæjarstjóri Bolungarvíkurkaupstaðar,  
Ómar Jónsson sveitarstjóri Súðavíkurhrepps.  
Jón Sigurpálsson, forstöðumaður Byggðasafns Vestfjarða.

**74. fundur.**

**Fundargerð ársfundar Byggðasafns Vestfjarða fyrir árið 2011.**

Þann 18. desember 2012 klukkan 13:30 var haldinn ársfundur Byggðasafns Vestfjarða í fundarsal bæjarstjórnar Ísafjarðarbæjar í Stjórnsýsluhúsinu á Ísafirði. Formaður stjórnar Daníel Jakobsson stýrði fundi og fundargerð ritaði Elías Jónatansson.

Til fundar voru mættir: Daníel Jakobsson, Elías Jónatansson, Ómar Már Jónsson, Gísli H. Halldórsson, Sigurður Pétursson, Jón Sigurpálsson og Björn Baldursson.

**1. Skýrsla formanns stjórnar.**

Daníel Jakobsson, sem tók við formennsku í stjórn Byggðasafns Vestfjarða þann 16. nóvember 2011, fluttu skýrslu stjórnar og fór yfir helstu verkefni, þar á meðal uppgjör skulda við Ísafjarðarbæ, með sölu á geymsluhúnaði safnsins, sem safnið leigir síðan af Ísafjarðarbæ.

**2. Skýrsla forstöðumanns.**

Jón Sigurpálsson, forstöðumaður, lagði fram ársskýrslu Byggðasafns Vestfjarða og kynnti fyrir fundarmönnum. Í skýrslunni er farið yfir starfsemi safnsins árið 2012. Þar kemur fram að gestir safnsins árið 2012 eru orðnir ríflega 11.600 talsins og hefur þeim fjölgað umtalsvert frá fyrra ári. Aðsókn að safninu hefur aldrei verið meiri. Auk þess lagði Jón fram vinnuskýrslu starfsmanna safnsins

Nokkrar umræður voru um stefnumörkun safnsins og eflingu þess. Ein af grundvallar spurningum, sem staðið er frammi fyrir, er hvort safnið eigi að vera ábygðarsafn. Fundarmenn voru almennt sammála um að safnið ætti að stefna að því að verða ábygðarsafn.

### 3. Ársreikningur 2011.

Formaður stjórnar skýrði ársreikninginn og óskaði eftir athugasemdum. Engar athugasemdir komu fram og var ársreikningurinn, fyrir starfsárið 2011, samþykktur samhljóða.

Fleira ekki gert og fundi slitið kl. 14:36.

Daníel Jakobsson.

Elías Jónatansson.

Ómar Már Jónsson.

Gísli H. Halldórsson

Sigurður Pétursson.

Jón Sigurpálsson.

Björn Baldursson.

---

## 2013

### 75. fundur.

Þann 14. febrúar 2013, kl. 9.00 var fundur í stjórn Byggðasafns Vestfjarða. Fundað var í Geymsluhúsnæði safnsins í Neðstakaupstað. Mættir voru Daníel Jakobsson, Elías Jónatansson, Ómar Jónsson, Jón Sigurpálsson sem ritar fundargerð.

### 13. Uppgjör 2012.

Daníel Jakobsson gerði grein fyrir stöðunni og áætlaði að þeirri vinnu verði lokið á næstu dögum.

### 14. Fjárhagsáætlun 2013.

Farið yfir fjárhagsáætlun Byggðasafns Vestfjarða fyrir árið 2013.

### 15. Viðhaldssáætlun 2013 - 2015.

Farið yfir þau verkefni sem brýnust eru í starfsemi safnsins. Lögð verður áhersla á að ljúka þeim verkefnum sem farið hefur á stað með.

### 16. Hrafseyri – Vélsmiðja - Bátasafn.

Farið var yfir fyrirbyggjandi verkefni:

- A. Hrafseyri: Daníel Jakobsson hefur samband við Eirík Þorvaldsson hjá Menntamálaráðuneytinu varðandi stöðu mála.
- B. Vélsmiðjan á Þingeyri: Daníel Jakobsson hefur samband við Guðmund Matthíasson og gerir honum grein fyrir hugmyndum stjórnar um framhald viðræðanna.
- C. Bátasafn: Forstöðumaður gerir Margréti Hallgrímsdóttur Þjóðminjaverði grein fyrir afgreiðslu styrks Menntamálaráðuneytisins á kostnaðar- og

þarfagreiningu hugmynda flutnings á báta- og vélasafni Þjóðminjasafns Íslands til Vestfjarða.

Fleira ekki gert og fundi slitið kl. 12.30

Daníel Jakobsson, bæjarstjóri Ísafjarðarbæjar,  
Elías Jónatansson, bæjarstjóri Bolungarvíkurkaupstaðar,  
Ómar Jónsson sveitarstjóri Súðavíkurhrepps.  
Jón Sigurpálsson, forstöðumaður Byggðasafns Vestfjarða.

#### **76. fundur**

Þann 3. apríl 2013, kl. 9.00 var fundur í stjórn Byggðasafns Vestfjarða. Fundað var í Geymsluhúsnæði safnsins í Neðstakaupstað. Mættir voru Daníel Jakobsson, Elías Jónatansson og Jón Sigurpálsson sem ritar fundargerð.

#### **17. Hrafnseyri.**

Stjórn safnsins hefur ákveðið að mæla með yfirtöku á starfsemi safns Jóns Sigurðssonar á Hrafnseyri frá og með árinu 2014. Forstöðumanni er falið að útbúa kynningu á sýn stjórnar á verkefninu til umfjöllunar hjá stjórnarsýslunni og menntamálaráðuneytinu.

#### **18. Vélsmiðjan á Þingeyri.**

Stjórn safnsins hefur ákveðið mæla með yfirtöku á Vélsmiðju Guðmundar J. Sigurðssonar á Þingeyri. Forstöðumanni er falið að útbúa kynningu á sýn stjórnar á verkefninu til umfjöllunar hjá stjórnarsýslunni og núverandi eigendum vélsmiðjunnar.

Fleira ekki gert og fundi slitið kl. 11.30

Daníel Jakobsson, bæjarstjóri Ísafjarðarbæjar,  
Elías Jónatansson, bæjarstjóri Bolungarvíkurkaupstaðar,  
Jón Sigurpálsson, forstöðumaður Byggðasafns Vestfjarða.

#### **76. fundur.**

Þann 3 september 2013, kl 10:30 var haldinn fundur í stjórn Byggðasafns Vestfjarða í geymsluhúsnæði Byggðasafnsins í Neðstakaupstað. Mættir voru Daníel Jakobsson, Elías Jónatansson, Ómar Már Jónsson, Jón Sigurpálsson og Björn Baldursson sem ritar fundargerð.

#### **1. Vélsmiðjan á Þingeyri. Fyrirspurn Guðmundar Matthíassonar.**

Daníel greindi frá að vinna við viðtöku vélsmiðjunnar væri ekki byrjuð. Það ferli væri þó að komast í gang, og þyrfti að komast botn í það sem fyrst og það yrði vonandi á næstu mánuðum. Rætt um að fela Þóri Erni að skila skýrslu um málefni Vélsmiðjunnar 1 október. Forstöðumaður ræddi um að það þyrfti að endurskilgreina starf starfsmanna Byggðasafnsins, starfið væri orðið svo víðtækt. Rætt um að borga tryggingar fyrir vélsmiðjuna til að létta undir meðan málið er í biðstöðu.

- 2. Slökkviliðsbílarnir og safnið Fyrirspurn Sigurðar L.Sigurðssonar**  
Fyrirspurn kom frá Slökkviliði Ísafjarðar um að setja tvær slökkvibifreiðir og gamlan slökkvistiga á safn á Suðurnesjum. Forstöðumaður lagði til að Byggðasafnið fengi bílana afhenta og síðan yrði millisafnalán til Slökkviminjasafnsins á Suðurnesjum. Tóku menn vel í þetta og forstöðumanni falið að þakka fyrir höfðinglega gjöf.
- 3. Staða Bárðarslippy og samningur við Aðalstein Ómar.**  
Daníel sagði að gengið hefði verið frá samningi við Aðalstein Ómar um leigu á slippnum og væri sá samningur aðgengilegur í skjalageymslu bæjarins. 3ja mánaða uppsagnarfrestur er af hálfu beggja aðila.
- 4. Fyrirspurn Röráss ehf. um leigu á Bárðarslipp.**  
Komið hefur fyrirspurn um leigu á slippnum frá Össuri Össurarsyni f.h.Röráss. Daníel lagði til að engar breytingar yrðu gerðar fyrr en í fyrsta lagi næsta sumar þar sem slippurinn væri í leigu, og forstöðumanni falið að senda bréf þar að lútandi. Umræður urðu um fyrirkomulag slippsins eins og það er. Rætt um að ef að safnið sæi sjálft um rekstur slippsins yrði verðskrá að vera í samræmi við verðskrá Skipanausts og að ekki væri æskilegt að keppa við fyrirtæki í einkarekstri. Forstöðumanni falið að hafa samstarf við forstöðumann Skipanaust um þróun samstarfsins.
- 5. Bréf Jóhönnu Kristjánsdóttur f.h.Minjasjóðs Önundarfjarðar.**  
Bréf kom frá stjórn Minjasjóðs Önundarfjarðar um að Byggðasafnið tæki að sér rekstur Minjasjóðsins og þeirra safna sem eru á þess vegum, þ.e.svarta pakkhúsið á Flateyri, Gamla bókabúðin á Flateyri og alþjóðlega brúðusafnið á Flateyri. Forstöðumanni falið að svara bréfinu á þann veg að safnið sjái sér ekki fært að taka við rekstrinum að svo stöddu en myndi veita þá aðstoð sem unnt væri. Ákveðið jafnframt að vísa málinu til umfjöllunar hjá Fagráði safna í sveitarfélaginu.
- 6. Skýrsla um sumarið 2013**  
Forstöðumaður sagði að mikið hefði verið gert í bátamálum safnsins, viðgerðir o.fl. Sagði að þetta væri orðið það umfangsmikið að brátt þyrfti sér mann til að hafa umsjón með bátum og fleiri eignir. Spurði hvort grundvöllur væri fyrir ráðningu smiðs til safnsins til að vinna við báta og viðhald húsa. Daníel sagði að gera mætti grein fyrir þessari þörf í fjárhagsáætlun safnsins í haust, og þá yrði það jafnframt skoðað.  
Um 12000 gestir hafa komið í safnið í sumar, en lítið er af Íslendingum. Um 93% af gestum safnsins eru útlendingar og liggur fyrir að það þarf að gera átak í því að ná Íslendingum á safnið. Vörusala hefur verið svipuð, bækur hafa selst nokkuð og póstkort.
- 7. Nýbygging.**

Rætt um að hitta forstöðumann UST og ræða frekar við hana um framhald samstarfsins um byggingu húsnæðisins. Lækka þyrfti kostnað við byrjunaráfangann sem frekast væri unnt.

Fleira ekki gert og fundi slitið kl 11:55

Daníel Jakobsson, bæjarstjóri Ísafjarðarbæjar  
Elías Jónatansson, bæjarstjóri Bolungarvíkurkaupstað  
Ómar Jónsson sveitarstjóri Súðavíkurhreppi  
Jón Sigurpálsson, forstöðumaður.  
Björn Baldursson, starfsmaður.

## **77. fundur.**

Þann 6 nóvember 2013, kl 11 var haldinn fundur í stjórn Byggðasafns Vestfjarða í geymsluhúsnæði Byggðasafnsins í Neðstakaupstað. Mættir voru Daníel Jakobsson, Elías Jónatansson, Ómar Jónsson, Jón Sigurpálsson og Björn Baldursson sem ritar fundargerð. Einnig kom á fundinn Þórir Örn Guðmundsson undir fyrsta lið.

### **1. Vélsmiðjan á Þingeyri**

Íafjarðarbær hefur þegar yfirtekið tryggingar á vélsmiðjunni. Þórir Örn Guðmundsson mætti á fundinn og gerði grein fyrir málinu og kynnti skýrslu sem hann hefur gert um Vélsmiðjuna á Þingeyri.

Ein leiðin er að smiðjan verði hluti af Byggðasafninu og yrði þá safn innan þess.

Önnur leið er að leita eftir því að smiðjan verði sérsafn.

Þriðja leiðin er að safnið haldi áfram að vera sjálfseignarstofnun og verði þá sérstofnun.

Forstöðumaður hélt að ekki væri grundvöllur fyrir að smiðjan yrði sérsafn. Frekar að hún yrði áfram sjálfseignarstofnun með safnið sem bakhjarl. Þórir gerði nánari grein fyrir skýrslu sem hann hefur unnið um smiðjuna og framtíðarmöguleikum hennar. Stjórn samþykkti að fela forstöðumanni Byggðasafns að leggja fyrir bæjarstjórnir eigenda Byggðasafnsins að rekstur og ábyrgð Vélsmiðjunnar verði tekinn yfir á grundvelli þeirra tillagna sem lagðar voru fram í minnisblaði Þóris og í samræmi við umræður á fundinum. Þ.e. að Byggðasafnið fá 2 menn af 3 í stjórn sjálfseignarstofnunnar Vélsmiðjunnar og leggi henni til a.m.k. hálf stöðugildi og beri á safninu faglega ábyrgð í gegn um umrædda stjórn. Þórir fór hér af fundi.

### **2. Fjárhagsáætlun 2014**

Forstöðumaður lagði fram fjárhagsáætlun fyrir árið 2014. Ákveðið að hækka aðgangseyri í hópsölu? fyrir árið 2015 og forstöðumanni farið að kynna þær hækkanir fyrir viðskiptavinum. Spunnust umræður um safnapassa og var

forstöðumanni falið að leita tillagna hjá fagraði safna um útfærslu á því. Lögð var áhersla á að saltfiskveisla safnsins stæði undir sér og að gengið væri út frá því í áætlunum að tekjur væru um 15% meiri en gjöld. Jafnframt var rætt hvort að álagning á endursöluvörur safnsins skilðu nægjanlegu. Ákveðið var að ganga út frá því í fjárhagsáætlunum að framlög sveitarfélaga til safnsins væru með svipuðum hætti á á árinu 2013 að viðbætti hækkun um ca: 4 %. Miða skyldi áætlun við að rekstur gangi upp miðað við þá hækkun.

### **3. Nýbygging og samstarf við Umhverfisstofnun**

Daníel sagðist hafa verið í sambandi við forstjóra Umhverfisstofnunar. Miðað við þær fjárhæðir sem Upplýsingamiðstöð og Umhverfisstofnun hafa til ráðstöfunar eru áætlanir Hjörleifs Stefánssonar arkitekts um byggingarkostnað of háar. Lækka yrði kostnað og áfangaskipta byggingunni frekar. Athuga með leiðir til þess. Forstöðumanni falið að hafa samband við Hjörleif Stefánsson arkitekt og gera honum grein fyrir þessu..

### **4. Ársreikningur 2012**

Lögð fram drög að ársreikningi ársins 2012 og hann samþykktur af stjórnarmönnum.

### **5. Ársfundur 2013**

Ákveðið að halda ársfund BSV um miðjan desember 2013 og halda hann í Súðavík.

### **6. Uppgjör ársins 2013**

Ekki voru komnar rauntölur frá bókhaldi fyrir árið 2013 og ákveðið var að halda fund fljótlega þar sem þær verða lagðar fram.

### **7. Önnur mál**

Forstöðumaður gerði grein fyrir því ferli sem er í gangi núna um að safnið fái fulla viðurkenningu sem safn. Safnaráð er nú að óska eftir auknum gögnum um starf safna sem þurfa að liggja fyrir til að safn fái viðurkenningu sem slíkt, neyðaráætlun, starfsleyfi, brunavarnarvottorð, o.fl.

Fleira ekki gert og fundi slitið kl 12:40.

Daníel Jakobsson, bæjarstjóri Ísafjarðarbæjar  
Elías Jónatansson, bæjarstjóri Bolungarvíkurkaupstað  
Ómar Jónsson sveitarstjóri Súðavíkurhrepps  
Jón Sigurpálsson, forstöðumaður.  
Björn Baldursson, starfsmaður.

## **78. fundur.**

Þann 12 desember 2013, kl 11 var haldinn fundur í stjórn Byggðasafns Vestfjarða í geymsluhúsnæði Byggðasafnsins í Neðstakaupstað. Mættir voru Daníel Jakobsson, Elías Jónatansson, Ómar Jónsson, Jón Sigurpálsson, Hjörleifur Stefánsson arkitekt og Björn Baldursson sem ritar fundargerð.

### **1. Nýbygging í Neðstakaupstað.**

Hjörleifur Stefánsson gerði grein fyrir áætlunum um fyrirhugaða húsbyggingu. Frá síðasta fundi hefur hann farið yfir teikningar og athugað hvernig draga megi úr kostnaði við nýbygginguna. Hann hefur fundið leiðir til lækkunar byggingarkostnaðar og frá síðustu kostnaðaráætlun hefur hann lækkað töluvert með breytingum á útfærslum og með því að fresta frágangi á hluta þess innanhúss en utanhúss yrði það fullgert. Þannig ætti að vera hægt að taka það í notkun strax að lokinni byggingu þó að sumt yrði klárað síðar. Daníel sagði ekki ásættanlegt að kostnaður lækki ekki meira en þetta miðað við að húsið yrði ekki fullbúið. Hjörleifur sagði að eftir því sem hann kæmist næst eftir mikla yfirlegu yfir teikningum með verkfræðingi væri ekki hægt að komast neðar með kostnað. Ómar spurði hvort stálgrind væri ekki ódýrari en Hjörleifur sagði svo ekki vera. Miklar umræður urðu um ýmsa möguleika t.d. að sleppa millibyggingu en Hjörleifi leist ekki á það frá útlitslegu sjónarhorni. Daníel ítrekaði að ekki væri til fjármagn til að ráðast í framkvæmdina miðað við þessar forsendur. Umræður urðu um hvort virðisaukaskattur fengist hugsanlega endurgreiddur af byggingarkostnaði og verður það athugað. Hjörleifi falið að athuga gerð þrívíddarteikningar af svæðinu til kynningar.

### **2. Ársreikningur Byggðasafnsins.**

Stjórnarmenn árituðu reikning ársins 2012.

Fleira ekki gert og fundi slitið kl 12:15.

Daníel Jakobsson, bæjarstjóri Ísafjarðarbæjar  
Elías Jónatansson, bæjarstjóri Bolungarvíkurkaupstað  
Ómar Jónsson sveitarstjóri Súðavíkurhrepps  
Jón Sigurpálsson, forstöðumaður.  
Björn Baldursson, starfsmaður.

## **79. fundur. (Ársfundur vegna starfsársins 2012)**

Ársfundur Byggðasafns Vestfjarða haldinn í húsnæði Jóns Indíafara í Súðavík laugardaginn 14 desember 2013 kl 14.

Mættir voru Jón Sigurpálsson forstöðumaður, Daníel Jakobsson formaður stjórnar, Ómar Már Jónsson stjórnarmaður og Björn Baldursson sem ritar fundargerð.

Dagskrá:

1. Fundarsetning.  
Forstöðumaður setti fundinn og skipaði Ómar Má Jónsson fundarstjóra.
2. Skýrsla formanns.  
Formaður flutti skýrslu stjórnar fyrir starfsárið.
3. Skýrsla forstöðumanns.  
Forstöðumaður stiklaði á stóru um starfsemi safnsins og um breytt safnaumhverfi samkvæmt nýjum safnalögum. Hann greindi frá umsóknum vegna verkefna sem sótt er um í safnasjóð með þeim fyrirvara að safnið fái viðurkenningu Safnaráðs. Gestafjöldi safnsins eykst á milli ára, samt ekki umtalsvert.
4. Ársreikningur 2012.  
Hagnaður af reglulegri starfsemi ársins 2012 var kr. 21.910.614. sem aðallega er tilkominn vegna sölu á nýbyggingu safnsins til Ísafjarðarbæjar.
5. Ákvörðun stjórnarlauna.  
Ákveðið að stjórnarmenn fái greitt fyrir fundi sem samsvarar setu á venjulegum nefndarfundum hjá Ísafjarðarbæ.
5. Önnur mál.  
Engin mál komu fram undir þessum dagskrárlið.

Fleira ekki gert og fundi slitið.  
Fundu slitið kl 14:45.